



Knud Mathiassen
Inatsisartunut ilaasortaq, Inuit Ataqatigiit

§ 37 naapertorlugu apeqputip 011/2021-p akineqarnera

Asasara Knud Mathiassen,

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinguuttumi issuarneqartunut akissuteqartinneqartunullu qujapput.

26-01-2022
Suliap normua
All. nr. 19042353
Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoo.gl
www.naalakkersuisut.gl

1. Nunatsinni imigassaq aalakoornartortallit kimittooqanngitsut illoqarfiit sorliuppat?

Akissut: Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marts 2011-meersoq naapertorlugu imigassanik kimittuunik 15 procentvolumenimik kimittussusilinnik taakkunanngaluunniit kimittunerusunik illoqarfinni nunaqarfinnilu ukunani nioqquteqartarneq inertequtaavoq:

- Tasillaq
- Ittoqqortoormiit
- Kulusuk
- Tiniteqilaaq
- Sermiligaaq
- Kuummiut
- Isortoq

Namminersorlutik Oqartussat nalunaarutaat nr. 26, 4. november 2016-imeersoq Qaasuitsup Kommunia (massakkut Avannaata kommunia) imigassamik aalakoornartortalinnik nioqquteqartarneq sassaallertarnerlu pillugit naapertorlugu imigassanik kimittuunik 15 volumenprocentilinnik kimittunerusunilluunniit illoqarfinni nunaqarfinnilu ukunani nioqquteqartarneq sassaallertarnerlu inertequtaavoq:

- Qaanaaq
- Qeqertat
- Siorapaluk

Aammattaq Savissivimmi imigassanik kimittuunik 15 volumenprocentilinnik kimittunerusunilluunniit nioqquteqartarneq sassaallertarnerlu inertequtaavoq.

Nunaqarfinni Aappilattumi, Kangersuatsiami, Kullorsuarmi, Innaarsunni, Naajaani, Nuussuarmi, Tasiusami, Nutaarmiuni aamma Upernavik Kujallermi kingorna nassiunneqartussanik inniminneereernikkut imigassanik kimittuunik kimikitsunillu taamaallaat nioqquteqartoqarsinnaavoq.

2. Nunatsinni illoqarfiit imigassamik aalakoornartumik kimittooqanngitsut qanga kimittooqarunnaarsinneqarpat?

Akissut: Imigassamik 15 volumenprocent kimittunerusunilluunniit aalakoornartortalinnik nioqquteqartarneq sassaallertarnerlu pillugit inerteqqut Namminersorlutik Oqartussat nalunaarutaat 20. juni 2007-imi taamanikkut Qaanaaq Kommuniani atuutilerpoq. Tamatuma kingorna taarserneqarpoq uannga Namminersorlutik Oqartussat nalunaarutaat nr. 26, 4. november 2016-imeersoq Qaasuitsup Kommuniani (massakkut Avannaata kommunia) imigassamik aalakoornartortalinnik nioqquteqartarneq sassaallertarnerlu pillugit. Sukumiisumik paasisaqarusukkuit 1-imi akissutigineqarsimasoq takuuk.


Marsip sisamaani 2011-mi Tasiilaq, Ittoqqortoormiit taakkualu nunaqarfiini imigassanik aalakoornartortalinnik nioqquteqartarneq sassaallertarnerlu pillugit inerteqqut atulersinneqarpoq. Sukumiisumik paasisaqarusukkuit 1-imi akissutigineqarsimasoq takuuk.

3. Suut toqqammavigalugit kimittooqartinneqanngillat?

Akissut: Avannaani Kangianilu imigassanik aalakoornartortalinnik kimittuunik nioqquteqartarneq sassaallertarnerlu pillugit ineqquteqalerneq arlalitsigut pitsaavallaanngitsumik kinguneqartarsimavoq, tamannalu tunngavigalugu kommunalbestyrelset inatsisitigut inerteqquteqarnissamik qinnuteqarsimavoq. Tassunga atatillugu maluginiaqquneqarpoq kommunalbestyrelset namminneerlutik nioqquteqartarnermut sassaallertarnermullu inerteqqusiornissamut periarfissaqarnerat.

Savissivimi imigassanik aalakoornartortalinnik kimittuunik kimikitsunillu nioqquteqartarnerup inerteqqutigineqartalernissaa Savissivimmi innuttaasunit amerlanerussuteqartunit kissaatigineqarnikuuvoq. Tamatuma kingorna Kommunalbestyrelse Naalakkersuisunut nunaqarfimmi imigassamik nioqquteqartarneq inerteqqutigineqalernissaa aalajangiiffigisassatut innersuussutigaa. Kommunalbestyrelsip inassutaani ilaatigut takuneqarsinnaavoq, Savissivimmi piffissat ilaanni imigassamik annertuumik atuisoqartarsimaneranik ilisimannittoqartoq, tamatumalu meeqqat ukiukinnerusut angajoqqaaminnit sumiginnarneqartarsinnaanerat kingunerisinnaagaa. Naalakkersuisut kingorna aalajangerput Savissivimmiut kommunalbestyrelsellu imigassanik kimittuunik kimikittunillu nioqquteqartitsisarnermi inerteqquteqartoqarnissaanut innersuussutaat malinniarlugu.

Med venlig hilsen
Inussiarnersumik inuulluaqqusillunga


Pele Broberg